

## Համազասպ ԽԱԶԱՏՐՅԱՆ

### ԳՅՈՒՄՐԻ ՀՆԱԳԻՏԱԿԱՆ ԺԱՌԱՆԳՈՒԹՅՈՒՆ

Գյումրու տարածքը մարդու կողմից բնակեցվել է դեռևս հնագույն ժամանակաշրջաններից: Դրա նախապայմաններն են հանդիսացել քաղաքի տարածքում խմելու ջրի աղբյուրները, փոքրիկ գետակները, բնակավայրի՝ պաշտպանական նկատառությունները հարմար բլուրները և տեղում անհրաժեշտ շինանյութի՝ տուֆի առկայությունը: Այսույցն գետով ոռոգվող քաղաքի ներկա տարածքը գոտուորող Անահողային դաշտերը նպաստում էին երկրագործության և անասնապահության զարգացմանը:

Գյումրու տարածքում հայտնաբերված և ուսումնասիրված վաղագույն բնակավայրերը վերաբերում են մ.թ.ա. երրորդ հազարամյակի սկզբներին և համապատասխանում են վաղ բրոնզի դարաշրջանինից: Ցիշտ է, քաղաքի տարածքից կան նաև գտածներ, որոնք վերաբերում են ավելի վաղ ժամանակաշրջանների, սակայն նորքարիդարյան կամ Էնեոլիթյան բնակատեղիներ դեռևս ուսումնասիրված չեն:

Քաղաքի տարածքում հայտնաբերված վաղագույն բնակավայրերը և դամբառանդաշտերը գտնվում են Սսի կոմքինատի, Բուսարանական այգու՝ Կոմայրու, Ալեքսանդրապոլի ամրոցի, Աև բերդի և Վարդբաղի տարածքներում:

Սսի կոմքինատի և Կոմայրի հնավայրերն առանձին համալիրներ են, որ գոյատևել են հազարամյակներ շարունակ: Գյումրու պատմության հնագույն ժամանակաշրջանի այս վկայագրերից իր տարածքով ամենամեծը և երկարակյացը Կոմայրի հնավայրն է, որ սկսված է Չերքեզի ծորի երկու կողմերում և ընդգրկում է Ալեքսանդրապոլի ամրոցի, Աև բերդի, քաղաքյան մարզադաշտի ու ներկայի Բուսարանական այգու տարածքները:

Սսի կոմքինատի բնակավայրն ու դամբառանդաշտերն ընդգրկում են բուն կոմքինատի, բանավանի հարավային հատվածի և դրանց հարավից հարող ավազահանքի ու դաշտերի տարածքները:

Սսի կոմքինատի բնակավայրն ու դամբառանդաշտը քաղաքի տարածքում թերևս ամենալավ ուսումնասիրված հուշարձաններն են: Ցավոք, այս հուշարձանի իրական չափերի, կենսագործունեության անընդհատականության, քաղաքաշինական սկզբունքների, տարբեր ժամանակաշրջանների ճարտարապետական առանձնահատկությունների մասին մեր պատկերացումները շատ սուր են, քանի որ տոպոգրաֆիայի և ճարտարապետական դետալների ամրակայումը (Փիքսացումը) կատարվել է միայն այն ժամանակ, եթե հուշարձանի զգալի մասն արդեն ավերված էր:

Գյումրու վաղբրոնզիդարյան հուշարձաններից հայտնաբերվել են մեծ քանակությամբ աշխատանքային գործիքներ, որոնց օգնությամբ ճշգրտվում են և վերականգնվում բնակիչների տնտեսական գործունեությունը, գրաղմունքներն ու հավատալիքները: Տնտեսության հիմնական ուղղություններն են երեխ երկրագործությունը և անասնապահությունը: Չատ են ծակոտկեն բազալտից նավածն աղորիքները, որ օգտագործվել են ցորենից այլուր ստանալու համար, կան նաև սանդեր, ծեծիչներ, կոկիչներ, տրորիչներ: Գտածների մեջ կան գործիքներ, որոնք կարող են օգտագործվել կաշի մշակելու համար, ինչպիսիք օրսիդիանից դանակները կամ քերիչներն են: Այդ գործիքները լայն տարածում ունեն բրոնզիդարյան հուշարձաններում և հատկանշվում են հազարամյակների ընթացքում օգտագործման շարունակականությամբ:

Հայտնաբերված խեցեները, որ Հայաստանի մ.թ.ա. III հազարամյակի մշակույթի ամենաբնօրոշ տարրն է, բազմաթիվ գուգահետեր ունի Հայաստանի համաժամանակյա բոլոր հուշարձաններում: Ամանները ամբողջությամբ պատրաստված են ձեռքով, լավ բրծված են, հիմնականում ունեն սև, կրաշալի փայլեցված արտաքին և կարմիր աստած, ինքնատիպ ու հարուստ զարդանախշեր: <sup>1</sup> Վաղբրոնզիդարյան տնտեսության հիմնական ճյուղերի՝ անասնապահության և երկրագործության զարգացումը բնականաբար հանգեցրել է նաև արհեստների (քարագործություն, փայտագործու-

<sup>1</sup> Т. X ա ւ ռ տ ր յ ա հ, Դրեննայ կուլտուրա Շիրակ, Еր., 1975, стр. 38.

քյուն, մանածագործություն, կաշեգործություն, ոսկրագործություն և այլն) ձևավորմանը ու վերելքին: Տեղում մանածագործության մասին կարելի է դատել իիհկի գլուխմերի բազմաթիվ գտածոներով:

Գյումրու տարածքի վաղագույն բնակչությունը գրաղվել են նաև մետաղի մշակմամբ, ինչը փաստվում է ոչ միայն բրոնզյա կացինների, այլև կաղապարի գյուտերով: Այստեղից հայտնաբերված բրոնզե կացինները, որ օգտագործվել են և՛ որպես աշխատանքային գործիք, և՛ որպես զենք, վաղագույններից են ոչ միայն Հայաստանում, այլև ողջ տարածաշրջանում:

Երկրագործության մեջ ոռոգման թեկուզև խիստ պարզունակ ձևերի կիրառությունը, խոշոր եղջերավոր աճատանիների օգտագործումն ու աճանապահության զարգացումը, գյուղատնտեսական գործիքների կատարելագործումն էականորեն նպաստեցին արտադրության զգալի վերելքին, նախնադարյան համայնքի տնտեսական բարգավաճաննը և մշակութային զարգացմանը:

Մսի կոմբինատիվ վաղբրոնզիդարյան ժամանակաշրջանի բնակատեղից բացի՝ համաժամանակյա շերտեր են հայտնաբերվել Կումայրի հնավայրում և Սև բերդի բլրի ստորոտում: Այստեղից հայտնաբերված գտածոնների մեջ առանձնահատուկ հետաքրքրություն է ներկայացնում կացարանի կավածեփ հատակի վրայի օջախի մոտ գտնված ցլակերպ հենակը, որն ունի պաշտամունքային նշանակություն (նկ. 1):<sup>2</sup>



Նկ. 1

Վաղբրոնզիդարյան մշակույթից (մ.թ.ա. 36-25 դդ.) անցումը միջինբրոնզիդարյանին (մ.թ.ա. 25-16 դդ.) Հայաստանի տոհմացեղային հասարակության վերափոխման ժամանակաշրջան է: Զարգացման միջինբրոնզիդարյան մշակույթի ժամանակաշրջանը համապատասխանում է դասակարգային հարաբերությունների ձևավորման և պետականության սաղմերի ստեղծման ժամանակաշրջանին: Տնտեսության հիմնական ճյուղերի, մասնավառապես երկրագործության, աճանապահության և մետաղամշակության առաջընթացն ու արտադրողական ուժերի զարգացումը նպաստում են սոցիալական ու տնտեսական նոր, անհավասար հարաբերությունների ստեղծմանը: Ստեղծված նոր իրադրության պայմաններում լենաշխարհի բնիկները մշակութային և տնտեսական նոր հարաբերությունների մեջ են մտնում Կենտրոնական Անատոլիայի, Ասորիքի և Երանցից արևմուտք գտնվող շրջանների հետ:

Գյումրու տարածքից հայտնաբերված մ.թ. ա. II հազարամյակի առաջին կեսին վերաբերող որոշ նյութեր հուշում են նաև միջագետքյան քաղաքակրբությունների մասին: Այս տեսակետից հատկանշական է Լենինականից գտնված ասիմետրիկ կացինը, որն այլ հուշարձաններից հայտնի այսօրինակ սակրանման կացինների խմբում ամենահինն է: Նրա պատկերն է քանդակված աքքաղական Նարամ Սունեն արքայի՝ Լուլորում պահպանվող կոթողի վրա (նկ. 2):<sup>3</sup>



Նկ. 2

Միջինբրոնզիդարյան մշակույթի զարգացումն ընթանում է օրինաչափ ինքնատիպությամբ: Այս ժամանակաշրջանում բռնը վերելք է ապրում աճանապահությունը: Սրա գերակայության պայմաններում որոշակի փոփոխություններ են տեղի ունենում կենսածիկ և կենցաղի մեջ: Յայլային աճանապահության պայմաններում աստիճանաբար աճելու են ապրում բնակավայրերը: Մսի կոմբինատիվ բազմաշերտ հուշար-

<sup>2</sup> Ի. Ա վ ա զ ա ն, «Սև ամրոց» հուշարձանի դամբարանադաշտը, Հայաստանի հնագույն մշակույթը, հ. 3, Տ. Խաչատրյանի 70-ամյակին նվիրված գիտաժողովի նյութեր, Եր., 2003, էջ 128:

<sup>3</sup> Ա. Մ ա ր տ ս ր ո ւ ս յ ա ն, Արմենիա և էպոխ բրոնզ և բար հուշարձանագործություն, Եր., 1964, ստր. 32.

ծանում այս ժամանակաշրջանի շերտեր չեն հայտնաբերվել, սակայն կան թաղումներ: Միջին բրոնզի դարաշրջանում անասունների և արտավայրերի համար մոլոր միջցեղային անընդմեջ պայքարը հանգեցրել է քշնամական հարաբերությունների և մշտական բախումների: Հոտերի պաշտպանությունն ապահովելու լավագույն միջոց է սկսում դառնալ ամրոցների կառուցումը, բնակավայրերից շատերը վերակառուցվում են որպես ամրոցներ: Նման մի ամրոցի ավերակները բացվել են նաև Կումայրի բնակավայրի պեղումներով: Չի բացառվում, որ միջին բրոնզի ժամանակաշրջանում այդպիսի ամրոցը պատսպարան ծառայեր նաև հարևան բնակավայրի ցեղակիցների համար:

Տատեսության հիմնական ճյուղերի զարգացումը և դորգի անիվի գյուտը նպաստում են նաև խեցեզործության զարգացմանը: Այս շրջանի խեցեղենն աչքի է ընկնում կարմրափայլ մակերեսով և սև փայլաներկով կատարված զարդամոտիվներով: Կարմիր դաշտի վրա սևով արված նախշազարդ խեցեղենն է գտնվել Սսի կոմքինաւոյի պեղումներից, ինչը վկայում է այս բնակավայրի՝ նաև միջին բրոնզի դարաշրջանում շարունակական գոյաւուման մասին:<sup>4</sup>

Սսի կոմքինաւոյի բնակավայրը բազմաշերտ է. այն նոր վերելք է ապրել ուշ-բրոնզիդարյան (մ.թ.ա. XVI-XIIդդ.) և վաղ երկարի (մ.թ.ա. XII-IXդդ.) ժամանակաշրջաններում, որոնց վերաբերող պեղված կացարանները քառանկյունն են, սենյակները՝ կիսագետնափոր՝ շարված խոշոր, անշաղ քարերով: Կացարանների մեջ պահպանվել են սյուների՝ քարից պարզունակ խարիսխները:

Տատեսության հիմնական ճյուղերին զուգընթաց՝ աննախարեակ վերելք է ունեցել մետաղների մշակումը: Ըստ հայտնաբերված նյութերի՝ կրկնակի ավելանում է բրոնզե իրերի արտադրանքը: Տեղում մետաղյա իրերի պատրաստումը փաստվում է պեղված արհեստանոց-ձովարանով, որտեղ բացվել են կենտրոնական մասում մոխրի հաստ շերտով ծովճան վառարան, կողքին՝ կուտակված խարամ: Գտնվել է նաև ծովճան կարապար:

Գտածների մեջ լայնորեն ներկայացված են քարից, մետաղից, ոսկորից աշխատարային գործիքներ, տարատեսակ խեցանոթներ, բրոնզե նետասլաքներ և այլ գենքեր: (F3)

Նոյն վերելքը տեսանելի է նաև Կումայրի բնակավայրում՝ փաստված բազմաթիվ գտածներով:

Տատեսական վերելքը, անասնապահության, երկրագործության, մետաղամշակության և սրանց հարավից արհեստների զարգացումը տեղաշարժեր առաջացրին տեղական ցեղերի սոցիալական լյանքում: Համայնքի ներսում գոյքային և սոցիալական անհավասարությունը, հայրիշխանական ժառանգական իրավունքի կազմավորումը, մասնավոր սեփականության առաջացումը քայլայում են նախնադարյան արտադրական և հասարակական հարաբերությունները: Մ.թ.ա. XII դարից երկարի գյուտով մարդկության քաղաքակրթությունը թևակրխում է զարգացման մի նոր դարաշրջան՝ երկարի դարը, որ շարունակվում է առաջօր (նկ. 3):

Եվ Սսի կոմքինաւոյի և Կումայրի բնակավայրենց կենսագործունեությունը շարունակում են նաև երկարի լայն տարածման՝ մ.թ.ա. IX-XVI դդ.: Սսի կոմքինաւոյի հնավայրում պեղվել են այս ժամանակաշրջանին վերաբերող մի քանի կացարան և 14 դամբարաններ: Բնակավայրի պեղումներով բացվել են կավածեփ հատակով երեք քառանկյուն կացարաններ: Հայտնաբերված նյութերը հիմնականում աշխատանքային գործիքներ են, խեցեղեն և երկարե իրեր:<sup>5</sup>

Երկարի լայն յուրացման ժամանակաշրջանը, երբ Ծիրակում արդեն պետություն կար, ժամանակագրորեն համապատասխանում է քաղաքական պատմության ուրարտական ժամանակաշրջանին: Ուրարտական սեպագիր արձանագրությունները

<sup>4</sup> A. M a p t u r o c յ a n, Աշվ. աշխ., էջ 60-61:

<sup>5</sup> Նոյն տեղում, էջ 126-127:



Նկ. 3

պատմում են այստեղ ձևավորված Էրիախի անվամբ պետության հարստության և այդ թուկրատական թագավորության հնամյա դիմաստիայի մասին: Այդ արձանագրություններում Ծիրակում հիշատակվում են վեց իշխանություններ և ցեղապետություններ, որոնք միավորված են Էրիախի անվանվող թագավորության կազմում: Էրիախի թագավորությունը մասն էր Էրիունի կոչվող համադաշնության, որը Վանի թագավորության հյուսիսային անենակող ախոյանն էր:

Ուրարտա-Էրիախյան ընդհարումները սկսվել են թերևս Իշպուհնիի (մ.թ.ա. շուրջ 825-810թթ.) և Սեմուայի (մ.թ.ա. շուրջ 810-786թթ.) համատեղ գահակալության տարիներից, երբ որոշ վում է պատկանելու գերիշխանությունը Հայկական լեռնաշխարհում՝ Վանի թագավորությանը, թե՛ Էրիունիին: Հարցը լուծվեց մ.թ.ա. IX դ. վերջին քառորդին տեղի ունեցած Անաշեի (Ալաշկերտ) ճակատամարտում, երբ Լուշա-Քարարզա-Վիթերուխե դաշնության և օգնության եկած Էրիունյան մյուս իշխանությունների ուժերը ծանր պարտություն կրեցին Վանի թագավորությունից:

Ծիրակի համար ծանրագույն ժամանակաշրջան էր հատկապես մ.թ.ա. VIII դարը, երբ այս ուղղությամբ սկսվում են Վանի թագավորների (Արգիշտի, Սարդուրի և Ռուսա Բ) արշավանքները, որոնք ավարտվում են Ծիրակի բնակչության մեծ մասի տեղահանման ու այստեղ թագավորական իշխանության վերացմանը:<sup>6</sup> Գյումրու տարածքում մեզ հայտնի հնագույն բնակավայրերը, գտնվելով Ծիրակ-Էրիախի թագավորության կազմում, բնականաբար ունեցել են նոյն ճակատագիրը:

Ուրարտական թագավորների կրկնվող արշավանքները, երկիրը իրի և սրի մատնելը հսկայական մարդկային և տնտեսական կորուստները չեն ընկերություն տեղի բնակչության ազատատենչ ոգին, ազատ ապրելու ձգտումը: Մասն Սարդուրին Էրիախի է արշավել ուր անգամ, որոնցից երեքը՝ կայացած մ.թ.ա. 749-742 թթ. ընթացքում, արձանագրված են առավել հանգամանորեն: Ըստ այդ տվյալների՝ նա Ծիրակից գերեւարել է 9661 պատանի և 20481 կին, տարել 115 ուդա, 2025 ձի, 23194 խոշոր եղջերավոր և 63420 մանր եղջերավոր անասուն: Կողոպտել է երկրի զիսավոր պաշտամունքային կենտրոնում գտնվող 150 տաճարապատկան գանձատները, որտեղ հավաքված էր, ինչպես ինքն է վկայում, Էրիախի արքայի, նրա հոր ու պապի կուտակած հարստությունը: Տաճարապատկան գանձատների ենթակայությունն աստծուն և արքային վկայությունն է Էրիախի երկրի աստվածապետական (թուկրատական) կառավարման, իսկ Էրիախի արքայի նախնիների՝ որպես տիրակալների հիշատակությունը փաստում է այն, որ մ.թ.ա. VIII դ. Ծիրակը կառավարվել է ավանդական սկզբունքներով առաջնորդվող դիմաստիայի կողմից: Այդ արշավանքները մարդաթափեցին Ծիրակը՝ Էրիախի թագավորությունը վերածվելով մի քոյլ զավարի Վանի թագավորության կազմում:<sup>7</sup> Մասն կարծ ժամանակ անց Ծիրակը վերականգնում է իր տնտեսական հզորությունը ու մ.թ.ա. VII դ. արդեն Վանի թագավորության ծաղկուն ծայրագալանությունը էր: Սա փաստվում է Ծիրակի, մասնակիրապես Գյումրու տարածքում եղած համաժամանակյա 2 բնակավայրերի և դամբարանադաշտերի պեղումներով հայտնաբերված նյութերով:

Ծիրակի տարածքում և Գյումրիում ուրարտական տևական մշակութային ներկայության նյութական վակերագրեր չկան, բացառությամբ 1929թ. քաղաքի տարածքում պատահական բացված դամբարանից հայտնաբերված երկու գտածոնների՝ միականք, փայլեցված կարմիր սափորի և թասվոր գրիֆոնի պատկերով ուրարտական բրոնզե գրտու բեկորի:

Գյումրու տարածքում եղած հնագույն բնակավայրերում չկան նաև անտիկ ժամանակաշրջաններ (մ.թ.ա. V- մ.թ. -VI դարեր) վերաբերող տվյալներ, բացի Կումայրի բնակավայրի հարևանությամբ գտնվող Սև բերդի ստորոտում հայտնաբերված, առանց ուղեկցող նյութերի մի քանի դամբարանների:<sup>8</sup> Եթե Մամ կոմքինատի բնակավայրի գոյությունը այս շրջանում ընդհանրապես փաստված չէ, ապա Կումայրի հնավայրի հե-

<sup>6</sup> S. Hm a y a k y a n, Age du Fer Epoque ourartou. Dans les montagnes d'Armenie, 500000 ans d'histoire avant notre ère ցուցանիւթեան կատալոգ, Ֆրանսիա, 2007, էջ 88:

<sup>7</sup> Նոյյան:

<sup>8</sup> Ի. Ավագյան, նշվ. աշխ., 128:

տագա ուսումնասիրությամբ հնարավոր կլինի վերականգնել քնակավայրի կենսագործության պատկերը նաև այս ժամանակաշրջանում, առավել ևս, որ արդեն վաղ միջնադարում այն կա:

Ուշ անտիկ ժամանակաշրջանը (մ.թ. II-V դարեր) քաղաքի տարածքում լավագույնս արտահայտված է Գյումրու հյուսիս-արևմուտքում գտնվող Վարդարակի դամբարանադաշտի նյութերով: Հնավայրը տարածված է բլուրների քարքարոտ լանջերին և գագաթներին: Առաջին նյութերը դեռևս 1974թ. Վարդարակի տարածքում մարզականակի շինարարության ժամանակ պատահականորեն բացված և III-IV դարերով բվագրվող սալարկեային բաղումներից են: Իսկ հուշարձանը հայտնաբերվեց 1988թ. երկուաշարժից հետո իրականացվող վերականգնողական-շինարարական աշխատանքների ժամանակ, որոնց պատճառով այն օգալիորեն ավերված էր: 1989-1990թթ. այստեղ պեղվեցին մոտ 100 կիսավեր և լավ պահպանված դամբարաններ: <sup>9</sup> Վարդարակում բարումները կատարվել են սալարկերում, քարքարերում, հողի շերտի մեջ և սարկոֆագներում: Դամբարանադաշտին վերաբերող բնակավայրը դեռևս ուսումնասիրված չէ, սակայն դամբարանադաշտի հարուստ գտածոները առատ նյութ են տալիս տեղի բնակչության այդ ժամանակաշրջանի կյանքի, սոցիալ-տնտեսական և մշակութային մակարդակի մասին պատկերացում կազմելու համար:

Գտածոները աշխատանքային գործիքներ, խեցեղեն, արդուզարդի առարկաներ են: Վերջիններիս առատությունը՝ ականջօղեր, ուլունք-կնիքներ, ուլունքներ, մատանիներ և այլն, վկայում են տեղի բնակչության բարգավաճ կացութածին, կենցաղի և գեղարվեստական ճաշակի մասին: Առանձնահատուկ ուշադրության է արժանի բրոնզի բիբեղից պատրաստված խաչ-մատանին (բվագրվում է III-IV դարերով), որ փաստում է քրիստոնեության մուտքն ու գոյությունն այս տարածքում:<sup>10</sup> Այսպիսի մատանիների մասին հիշատակություններ կան մեր միջնադարյան ճեղագրերում: Դազար Փարավեցին Գրիգոր Լուսավորչի մատանու մասին գրում է. «Եւ դիր զմատանին զգծած խաչի քո ի մատին աջոյ մերոյ...»:<sup>11</sup>

Հայտնաբերված կնիքներից մեկը լեռնային բյուրելից է՝ ցի պատկերով, մյուսը՝ կարմիր ապակուց՝ ձիու պատկերով: Իրանք որոշակի իշխանության խորհրդանշեր են և վկայում են մ.թ. III դ. այստեղ ազնվականության գոյությունը մասին: Սարկոֆագներից մեկում գտնված հոռմեական Տրայանոս կայսեր (103-111թ.) արծարյա որահման փաստում է տեղում առևտրա-դրամական հարաբերությունների գոյութունը:<sup>12</sup>

Վարդարակի անտիկ դամբարանադաշտից գտնվել են նաև մուգ կապույտ ապակուց երկու փոքրիկ սրվակ՝ պատրաստված ապակու հաստ զանգվածը ձողի վրա ոլորելու եղանակով, որոնք օգտագործել են անուշահոտ յուղեր, օծանելիք պահելու համար, կախել են պարանոցից (F3): Վարդարակի դամբարանադաշտի հյուրի քննությամբ նաև փաստվում է, որ մ.թ. առաջին դարերում վերելք ապրող Ծիրակով անցնող տարանցիկ ճանապարհները նպաստում էին նաև արտադրության զարգացմանը, որն էլ իր հերքին հարևան երկրների հետ տնտեսական փոխառնչությունների հնարավություններ էր ընձեռում:

Տնտեսության ավանդական ճյուղերից բացի՝ փաստվում են բազմաթիվ արեաներ, որոնց մեջ առանձնահատուկ տեղ է գրավում խեցեգործությունը: Պահպանովով արտադրության ավանդական եղանակները՝ խեցեգործությունը հիշյալ դարերում նոր զարգացում է ապրում ջնարակի արտադրությամբ: Միջնադարյան բազմաթիվ

<sup>9</sup> Հ. Խ ա չ ա տ ր յ ա ն, Լ. Ե գ ա ն յ ա ն, «Հնագիտական հետախուզություն Ծիրակում, ՀՀ 1989-1990թթ. դաշտային հնագիտական հետազոտությունների արդյունքներին նվիրված գիտական հնտաշրջան, գեկոցումների թեզիսներ, Եր., 1991, էջ 84: Ստ. Տեր - Սարգսյան, Կոմայրիի «Վարդարակ» տարածքի անտիկ դամբարանադաշտի պեղումները, ԳԱԱ ՀԱԲ 1989-90թթ. դաշտային հնագիտական աշխատանքների արդյունքներին նվիրված գիտական հնտաշրջան, Եր., 1991, էջ 94-96:

<sup>10</sup> Լ. Ե գ ա ն յ ա ն, Մատանիների և ականջօղերի դերը անտիկ Ծիրակի քաղման ծխակարգում, ԳԱԱ ԸՆՀ կենտրոնի «Գիտական աշխատություններ», հ. II, Գյումրի, 1999, էջ 77:

<sup>11</sup> Ղ ա զ ա ր Փ ա ր պ ե ց ի, «Հայոց պատմություն, Եր., 1982, Դրամ Բ, ԼԲ:

<sup>12</sup> Լ. Ե գ ա ն յ ա ն, Անտիկ Ծիրակի քաղման ծները, ԳԱԱ ԸՆՀ կենտրոնի «Գիտական աշխատություններ», հ. III, Գյումրի, 2000, էջ 55:

հնավայրերից հայտնաբերված տարաբնույթ և բազմազան ջնարակ խեցեղենը IX-X դարերի գիտուրյան և տեխնոլոգիական արողեսների առաջադիմության արդյունք է՝ պայմանավորված տվյալ ժամանակաշրջանում մետաղական օքսիդների օգտագործման շնորհիվ տարրեր գույների և երանգների ստացման հնարավորությամբ։ Կումայրի բնակավայրի պեղումներից հայտնաբերված ջնարակ ամանների մեծ մասը բաց ամանների՝ բասերի կամ քրենանների բեկլրներ են, որոնց վրա պահպանվել են կանաչ, դեղին և շագանակագույն ջնարակի տակ փորագիր դեկորատիվ նախշերը։ Նմանօրինակ անորոշները լայն տարածում ունեն և օգտագործվում են նաև Սերծավոր Արևելքի այլ շրջաններում ևս։ Խեցեղենի մասին եղած տվյալները հետազոտողներին իրավունք են տալիս խեցեղենի առաջատար տեսակներից մեկը։

Խեցեղենի բազմազան դեկորատիվ ձևավորումը հազիվ թե հնարավոր լիներ առանց տվյալ ժամանակաշրջանի հայ մշակույթի այլ տեսակների ազդեցության։ Առանց նրանց հետ սերտ կապի՝ նշանակալի շափով անհասկանալի կմնային արտադրանքի որոշ ձևեր և տեսակներ, գունային զամնայի տարրեր, նախշեր՝ մասնակի կամ ամրողությամբ վերցված գեղարվեստական մետաղից, փայտե, ապակյա իրերից, գորգերից, գործվածքից և այլն։ Խեցեղենի հաճախ վերցրել են բրոնզե, պղնձյա և արծարյա ամանների ձևերը։

Կումայրուց հայտնաբերված գեղարվեստական խեցեղենի առանձին խումբ են X-XII դարերում կարասները, որոնք բնորոշ են անհական մշակույթին։ Նախշազարդման թեման առավելապես կենդանական և բուսական պատկերներ



Նկ. 4

են, հանդիպում են նաև մարդկանց պատկերներ։ Դրոշմներն արվել են ուղիղ և զանաձև կնիքներով։ Կարմիր ներկված կարասների զարդագուտիները կիմնականում չեն ներկվել՝ հավանաբար այտկերներն ավելի ընդգծուն և դիտարկելի դարձնելու համար։ Թեև զտածոները շատ քիչ են՝ մոտ մեկ տասնյակ բեկոր, սակայն ոչ մի պատկեր չի կրկնվում։ Դրանք ոչ միայն ավանդական-ծիսական են, այլ նաև ներկայացնում են առօրյա կյանքն ու կենցաղը։ Կումայրիի գտածոների մեջ կա նաև սնդկանան, որը բնորոշ է հայկական միջնադարյան մշակույթին (Նկ. 4).<sup>13</sup>

Կումայրու պատմության ուշ միջնադարյան շրջանի նյութական վկայություններն են մի քանի գենքեր՝ մեկական վահան, սաղավարտ և մի քանի սակրեր։ Ըրջանաձև վահանը և սաղավարտը պատրաստված են պղողապատիկ և փորագլուման եղանակով զարդանախշված են կենցաղային պատկերներով, իսկ եզրագոտիներն ունեն արարատառ արձանագրության տեսք։ Ենթադրվում է, որ XVI-XVII դարերով թվագրվող այս գենքերը պատրաստված են տեղացի վարպետների կողմից, և նրանց վրա արարատառ արձանագրությունների առկայությունը պարտադրված է մահմեդական տարրի գերիշխանությամբ։<sup>14</sup>



Նկ. 5

Հնագիտական ամենաուշ՝ XVII-XVIII դարերին վերաբերող գտածոները, որոնք հայտնի են Գյումրու տարածքից, մեկ տասնյակից ավելի ծխամորձներն են։ Դրանք գտնվել են քաղաքի բերդի տարածքից, Սայակովսկի և Տերյան փողոցների միջակայքից, Բոշի մայլա և Պոլիգոն կոչվող բաղամասերից։ Ծխամորձները պատրաստված են մանրահատիկ, լավ հունցված կավից, կիմնականում պատված են կարմիր անգորով, ունեն լայն բացվող բերան և բարակ, նեղ փող։ Մեծ

<sup>13</sup> Ո. Հարությունյանի պեղումների նյութերը հրատարակված չեն, պահպամ են Շիրակի երկրագիտական թանգարանում (ծան. հեղինակի)։

<sup>14</sup> Նյութերը հրատարակված չեն, պահպամ են Շիրակի երկրագիտական թանգարանում (ծան. հեղինակի)։

մասամբ զարդարված են կնքադրոշնով՝ արված բուսական նախշերով, ոմեն նաև վարպետի նշաններ, որոնցից մեկը՝ հայտնառ՝ Ա. Տ. (նկ. 5).<sup>15</sup>

Այսպիսով, ինչպես Վկայում է Գյումրու հնագիտական հոլշարձանների պեղումների և տարրեր ժամանակներում այստեղ հայտնարերված պատահական զուածոների քննությունը, քաղաքի տարածքը բնակեցված է եղել դեռևս մ.թ.ա. IV հազարամյակի վերջերից, և կյանքն այստեղ անընդհատ շարունակվում է մինչ մեր օրերը:

## ГЮМРИ: АРХЕОЛОГИЧЕСКОЕ НАСЛЕДИЕ

— *Резюме* —

— *Ա. Խաչատրյան* —

На территории нынешнего Гюмри первые поселения появляются уже в эпоху ранней бронзы (36-25 вв. до н.э.). Раскопки этих поселений и некрополей дали богатый материал для изучения развития социальных и экономических отношений, торговых связей, культа и религии... В поселениях Мясокомбината и Кумайри жизнь продолжается вплоть до античного периода (6-5 века до н.э.). Несмотря на богатый археологический материал, находки урартской культуры отсутствуют.

Античный период на территории города археологически засвидетельствован в северо-западной части города-в местности Вардбаг, у подножья холма южного форта крепости Александрополь.

В средневековые жизни продолжается только в поселении Кумайри. В результате раскопок здесь обнаружены две церкви 5-ого и 7-ого веков. Последняя в 10-ом веке укрепляется крепостными стенами. Случайные находки разнообразного оружия (стальные щит, воинская каска, секиры и т.д.), глиняные табачные трубки доказывают продолжение жизни и в позднесредневековом периоде.

Богатое археологическое наследие Гюмри доказывает возникновение жизни на территории города более 5000 лет назад, жизнь которая непрерывно продолжается по сей день.

<sup>15</sup> Նյութերը իրատարակված չեն, պահպան են Շիրակի երկագիտական թանգարանում (ծան. հեղինակի):